



SLUŽBENI GLASNIK OPĆINE BUŽIM

Godina XIX – Broj 3

12. 03. 2014

BUŽIM

Izdanje na bosanskom
jeziku

46.

Na osnovu člana 8. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06), člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) člana 24. stav 1. tačka 2 i člana 67. i 70. Statuta općine Bužim („Službeni glasnik Općine Bužim“, broj: 11/07, 4/08 i 5/11.) Općinsko vijeće Općine Bužim, na XIV redovnoj sjednici, održanoj dana 30.01.2014. godine, **usvojilo je:**

ODLUKU

o sprovođenju izbora za članove savjeta mjesnih zajednica i predsjednike mjesnih zajednica na području općine Bužim

I – OPĆE ODREDBE

Član 1.

Ovom Odlukom raspisuju se izbori za članove savjeta mjesnih zajednica i predsjednike mjesnih zajednica na

području općine Bužim, utvrđuje mjesto i vrijeme održavanja izbora, broj članova savjeta koji se bira po mjesnim zajednicama, način sprovođenja izbora, organi za sprovođenje izbora, način utvrđivanja prijedloga kandidata za članove savjeta mjesnih zajednica, utvrđivanje konačnih kandidacionih lista, postupak glasanja, način utvrđivanja i proglašavanja rezultat izbora, kao i druga pitanja u vezi sa izborom članova savjeta mjesnih zajednica i predsjednika mjesnih zajednica.

Član 2.

U mjesnim zajednicama održat će se izbori za članove savjeta mjesnih zajednica i izabrati broj članova savjeta kako slijedi:

Mjesna zajednica	Broj članova Savjeta
------------------	----------------------

- | | |
|-----------------------------------|------------|
| 1. Mjesna zajednica Bag | 7 članova |
| 2. Mjesna zajednica Brigovi | 7 članova |
| 3. Mjesna zajednica Bućevci | 7 članova |
| 4. Mjesna zajednica Bužim | 13 članova |

5. Mjesna zajednica Čava	9 članova
6. Mjesna zajednica Elkasova Rijeka	7 članova
7. Mjesna zajednica Jusufovići	7 članova
8. Mjesna zajednica Konjodor	11 članova
9. Mjesna zajednica Lubarda	11 članova
10. Mjesna zajednica Mrazovac	9 članova
11. Mjesna zajednica Radoč	7 članova
12. Mjesna zajednica Varoška Rijeka	11 članova
13. Mjesna zajednica Vrhovska	7 članova
14. Mjesna zajednica Zaradostovo	7 članova

II – NAČIN SPROVOĐENJA IZBORA

Član 3.

Građani koji imaju opće biračko pravo će neposredno, tajnim glasanjem, birati članove savjeta mjesne zajednice u mjesnoj zajednici u kojoj imaju prebivalište.

III – MJESTO I VRIJEME ODRŽAVANJA IZBORA

Član 4.

Izbori će se provesti 05.04.2014. godine (subota) u vremenu od 09,00 h do 15,00 h u svim mjesnim zajednicama.

Mjesto i vrijeme održavanja izbora objavljuje se u sredstvima javnog informisanja, na oglasnoj tabli općine Bužim i na oglasnim tablama mjesnih zajednica.

Mjesto i vrijeme održavanja izbora mora se objaviti najkasnije u roku od 7 dana prije dana održavanja izbora.

Izbori se mogu održati u prostorijama mjesne zajednice, škole ili drugim pogodnim prostorijama.

IV – ORGANI ZA PROVOĐENJE IZBORA

Član 5.

Izbore za članove savjeta mjesnih zajednica će sprovesti Centralna općinska komisija uz saradnju sa Komisijama za sprovođenje izbora, Komisijom za društvenu djelatnost i suradnju sa mjesnim zajednicama, te Komisijom za izbor i imenovanje.

Centralnu općinsku komisiju čine:

1. Husein Duranović - predsjednik
2. Vahid Mulalić - član
3. Admir Begović - član

U roku od 30 dana od dana stupanja na snagu ove Odluke, Centralna općinska komisija će imenovati Komisije za sprovođenje izbora.

Član 6.

Prijedlog za članove savjeta mjesne zajednice mogu podnijeti građani (pojedinačno ili grupno), organi političkih stranaka i udruženja koji djeluju na području

mjesne zajednice, vodeći računa da predloženi kandidati imaju prebivalište na području mjesne zajednice.

Prilikom predlaganja i izbora članova savjeta mora se voditi računa da sastav članova održava približno nacionalnu strukturu stanovništva, te da spolovi budu ravnopravno zastupljeni (najmanje 30 % žena i 20 % mladi) i da svako mjesno područje (ili više manjih naselja) u savjet mjesne zajednice bude zastupljeno sa najmanje jednim članom.

Član 7.

Prijedlozi kandidata za članove savjeta mjesnih zajednica se podnose na Obrascima koje će propisati Centralna općinska komisija odmah po stupanju na snagu ove Odluke, a isti će se moći preuzeti najkasnije do 10.02.2014. godine.

Prijedlozi se mogu podnositi najkasnije do 28.02.2014. godine na adresu Općina Bužim, šalter broj 4.

Broj kandidata na predloženoj listi ne može biti veći, i to kako slijedi:

1. Za mjesne zajednice za koje se bira 7 članova savjeta 9 kandidata
2. Za mjesne zajednice za koje se bira 9 članova savjeta 13 kandidata
3. Za mjesne zajednice za koje se bira 11 članova savjeta 15 kandidata
4. Za mjesne zajednice za koje se bira 13 članova savjeta 17 kandidata

Na osnovu podnesenih prijedloga, Centralna općinska komisija će utvrditi konačne liste prijedloga kandidata za svaku mjesnu zajednicu.

Član 8.

Centralna općinska komisija će uz saradnju sa Komisijama za sprovođenje izbora, Komisijom za društvenu djelatnost i suradnju sa mjesnim zajednicama i Službom opću upravu i društvene djelatnosti, organizirati i sprovesti izbore u mjesnim zajednicama.

Član 9.

Nakon provedenog glasanja, Komisija za sprovođenje izbora u mjesnoj zajednici sačinjavaju zapisnik.

Centralna općinska komisija će na osnovu zapisnika komisija utvrditi listu članova savjeta mjesne zajednice prema broju osvojenih glasova.

Centralna općinska komisija objavljuje konačni izvještaj o rezultatima glasanja na oglasnoj ploči mjesne zajednice. Za članove savjeta izabrani su oni kandidati koji su dobili najveći broj glasova do broja članova savjeta koji se biraju.

Ukoliko dva kandidata dobiju isti broj glasova prednost ima mlađi kandidat.

Ostali kandidati sa konačne liste, preko broja koji se bira, čine zamjensku listu kandidata čija se imena i broj dobijenih glasova unose u izvještaj o rezultatima glasanja.

Član 10.

Birači i kandidati imaju pravo pismenog prigovora na povredu izbornog postupka utvrđenog ovom Odlukom u roku 24 sata od momenta kada je povreda učinjena. Prigovor se podnosi Komisiji za društvenu djelatnost i suradnju sa mjesnim zajednicama.

Član 11.

Centralna općinska komisija dostavlja rezultate izbora za članove savjeta mjesnih zajednica Općinskom vijeću na potvrđivanje.

Općinsko vijeće će poništiti izbore za članove savjeta mjesne zajednice i predsjednika mjesne zajednice i istovremeno raspisati nove izbore, ako ustanovi da je u izbornoj proceduri došlo do nepravilnosti koje mogu utjecati na rezultate izbora.

Član 12.

Kandidat sa liste za izbor članova savjeta mjesne zajednice sa najvećim brojem glasova je predsjednik Savjeta mjesne zajednice i po funkciji je predsjednik mjesne zajednice.

Ako osoba sa najvećim brojem osvojenih glasova ne želi prihvatiti mjesto predsjednika iz stava 1. ovog člana, članovi savjeta mjesne zajednice iz svog sastava izbarat će većinom glasova predsjednika mjesne zajednice koji je i po funkciji predsjednik savjeta.

Savjet mjesne zajednice, iz svog sastava bira većinom glasova svih članova, zamjenika predsjednika Savjeta mjesne zajednice.

V - MANDAT ČLANOVA SAVJETA

Član 13.

Mandat članova savjeta mjesne zajednice traje četiri godine i teče od dana stupanja na snagu Odluke Općinskog vijeća kojim se potvrđuju rezultati izbora za članove savjeta mjesnih zajednica i predsjednike mjesnih zajednica.

Ako članu savjeta mjesne zajednice predstane mandat u smislu člana 72. Statuta općine Bužim prije vremena za koje je biran, Općinsko vijeće će svojom odlukom dodjeliti mandat slijedećem kandidatu koji je dobio najveći broj glasova nakon provedenih izbora za članove savjeta mjesni zajednica.

VI- ZAVRŠNE ODREDBE

Član 14.

Ova Odluka stupa na snagu danaom donošenja, a objavit će se u Službenom glasniku općine Bužim.

Sva pitanja koja nisu uređena ovom Odlukom, a koja se odnose na postupak sprovođenja izbora utvrdit će se Upustvom koje će naknadno donijeti Centralna općinska komisija.

Broj: 02-05-364/14
Bužim, 30.01.2014

PREDSJEDAVAJUĆI
OPĆINSKOG VIJEĆA
Abid Mulalić, dipl.ing.maš. s.r.

47.

Na osnovu člana 14. tačka 2.Odluke o sprovođenju izbora za članove savjeta mjesnih zajednica i predsjednike mjesnih zajednica na području općine Bužim broj:02-05-364/2014 od 30.01.2014.godine, Centarlna općinska komisija, na Prvoj sjednici održanoj 10.02.2014.godine, **usvojilo je:**

U P U T S T V O O POSTUPKU ORGANIZACIJE I PROVOĐENJA IZBORA ZA ČLANOVE SAVJETA MJESNIH ZAJEDNICA OPĆINE BUŽIM

I OPĆE ODREDBE

Član 1.

Ovim uputstvom bliže se uređuje postupak organizacije i provođenja izbora za članove savjeta mjesnih zajednica na području Općine Bužim, podnošenje prijedloga za članove savjeta mjesnih zajednica, način provođenja izbora, mjesto i vrijeme održavanja izbora, organi za provođenje izbora, brojanje glasova i druga pitanja u vezi sa izbornim procesom.

II PODNOŠENJE PRIJEDLOGA ZA ČLANOVE SAVJETA MJESNIH ZAJEDNICA

Član 2.

Prijedlog kandidata za članove savjeta mjesne zajednice (u daljem tekstu: kandidatska lista) mogu podnijeti: građani, organi političkih stranaka i druge organizacije i udruženja koja djeluju na području mjesne zajednice, vodeći računa da predloženi kandidati imaju prebivalište na području mjesne zajednice.

Kandidatura za članove savjeta mjesnih zajednica podnosi se Centarlnoj općinskoj komisiji, na obrazcima koje propiše komisija.

Komisija za sprovođenje izbora će propisati posebne obrasce za političke partije i udruženja građana, a posebne za grupe građana.

Obrasci iz predhodnog stava su sastavni dio ovog Uputstva.

Ako građani podnose listu, prijedlog mora biti potpisan od najmanje jednog građanina sa područja

mjesne zajednice u kojoj imaju prijavljeno prebivalište.

Kandidatska lista koja je predložena i s pred politički organizacija i udruženja građana, mora sadržavati: redni broj, naziv MZ za koje se predlaže lista, prezime i ime kandidata, JMBG i adresu kandidata, naziv predlagača, potpis ovlaštene osobe, pečat predlagača i datum podnošenja liste.

Kandidatska lista predložena od strane građana mora sadržavati: redni broj, naziv MZ za koje se predlaže lista i ime kandidata, JMBG i adresu kandidata, prezime ime, JMBG i potpis najmanje jednog predlagača, te datum podnošenja liste.

Svaki predloženi kandidat može odustati od kandidature. Izjavu o odustanku podnosi Centarlnoj komisiji u roku od 24 sata nakon objavljivanja predloženih lista kandidata.

U slučaju da sa područja jedne mjesne zajednice nepristigne niti jedna kandidatska lista, Centralna komisija daje dodatni rok od 24 sata da se dostave liste i za tu mjesnu zajednicu.

Član 3.

Komisija za sprovođenje izbora utvrđuje konačnu listu za svaku mjesnu zajednicu najkasnije u roku od 10 dana prije dana održavanja izbora.

Svaki predloženi kandidat na kandidatskoj listi mora imati prijavljenu adresu prebivališta na području mjesne zajednice za koju je kandidiran.

Član 4.

Predložene kandidatske liste se na glasački listić redaju po redoslijedu prijema liste kojim su dostavljene komisiji.

Član 5.

U mjesnim zajednicama izbori za članove savjeta provode se tajnim glasanjem..

Glasački listići su štampani na listovima papira A4 formata bijele boje sa otisnutim logom općine Bužim, ispod kojeg će pisati „GLASAČKI LISTIĆ ZA IZBOR ČLANOVA SAVJETA MJESNE ZAJEDNICE I PREDSEDNIKA SAVJETA MJESNE ZAJEDNICE UZ NAZIV KONKRETNE MJESNE ZAJEDNICE“.

Na svakom listiću otisnut je pečat Općinskog vijeća.

Član 6.

Komisije za sprovođenje izbora preuzimaju glasačke listiće dan uoči održavanja izbora zajedno sa obrascima za sprovođenje izbora (zapisnik i izvještaj) od Centarlne općinske komisije.

Izborni materijal se predaje zapisnički.

III NAČIN PROVOĐENJA IZBORA

Član 7.

U mjesnim zajednicama građani će birati članove

savjeta neposredno tajnim glasanjem u mjestu u kojem imaju prebivalište.

IV MJESTO I VRIJEME ODRŽAVANJA IZBORA

Član 8.

Izbori za članove savjeta mjesnih zajednica održat će se dana 05.04.2014. godine, (subota) u vremenu od 09,00 h do 15,00 h u svim mjesnim zajednicama.

Mjesto i vrijeme održavanja izbora objavljuje se na oglasnoj tabli i web stranici Općine i na oglasnim tablama u mjesnim zajednicama.

Mjesto i vrijeme održavanja izbora mora se objaviti najkasnije u roku od 10 dana prije dana održavanja izbora.

Kao mjesto održavanja izbora mogu se odrediti prostorije mjesne zajednice, škole ili druge pogodne prostorije.

V ORGANI ZA PROVOĐENJE IZBORA

Član 9.

Organi za sprovođenje izbora su:

- Centarlna općinska komisija,
- Komisije za sprovođenje izbora,

Tijela za sprovođenje izbora iz predhodnog stava svaka iz svoje nadležnosti i ovlaštenja brinu se o zakonitom sprovođenju izbora i iste su dužne međuočno surađivati.

Pored organa navedenih u stavu 1., Služba za opću upravu i društvene djelatnosti pruža administrativnu i tehničku pomoć Centralnoj općinskoj komisiji i Komisijama za sprovođenje izbora.

Član 10.

Centarlna općinska komisija brine o zakonitoj pripremi i sprovođenju izbora, ovjerava izjave kandidata o prihvatanju kandidature, provodi proceduru imenovanja članova Komisija za sprovođenje izbora, određuje biračka mjesta, nadzire rad Komisija za sprovođenje izbora, prikuplja i zbraja rezultate glasanja na biračkim mjestima, objavljuje rezultate, te upućuje konačan prijedlog općinskom vijeću imenovanih članova savjeta i predsjednike savjeta mjesnih zajednica, na potvrđivanje.

Član 11.

Komisije za sprovođenje izbora neposredno rukovode radom biračkog mjesta, osiguravaju pravilnost glasanja i evidentiraju rezultate glasanja za izbor članova savjeta mjesnih zajednica.

Biračka mjesta označavaju se rednim brojem.

Komisija za sprovođenje izbora ima tri člana i tri zamjenika, za svako biračko mjesto.

Članovi Komisije za sprovođenje izbora nemogu biti kandidati na listi za članove savjeta.

Zamjenik predsjednika, odnosno zamjenik člana Komisije za sprovođenje izbora učestvuje u radu Komisije samo ako je predsjednik, odnosno član Komisije spriječen da dođe na biračko mjesto na dan održavanja izbora.

Prijedloge za članove Komisija za sprovođenje izbora i njihove zamjenike predlaž: građani, udruženja građana i političke partije koji su dostavili prijedloge kandidatskih lista za tu mjesnu zajednicu.

VI POSTUPAK GLASANJA

Član 12.

Građani koji imaju aktivno i pasivno biračko pravo glasaju na biračkom mjestu za mjesnu zajednicu u kojima imaju prijavljeno prebivalište upisanih u zadnjem objavljenom Centralnom biračkom spisku.

Dopusta se glasanje i građanima koji su u vrijeme glasanja navršili 18 godina starosti, a nisu upisani u Centralni birački spisak, uz predočenu ličnu kartu i prijavu mjesta prebivališta.

Predsjednik ili član Komisije za sprovođenje izbora utvrđuje identitet birača na osnovu važećeg ličnog dokumenta (lična karta, vozačka dozvola ili pasoš).

Član 13.

Komisija za sprovođenje izbora je dužna prisutne građane upoznati sa procedurom izbora.

Član 14.

Predsjednik ili član Komisije za provođenje izbora utvrđuje da li je prisutni građanin upisan u izvod iz Centralnog biračkog spiska za biračko mjesto u mjesnoj zajednici u kojoj se provode izbori, te mu nakon toga daje glasački listić. Prilikom preuzimanja glasačkog listića, građanin se potpisuje na izvod iz Centralnog biračkog spiska pored svog imena. Građanin popunjava glasački listić u za to predviđenom prostoru. Glasanje se vrši zaokruživanjem rednog broja ispred imena i prezimena kandidata.

Od svih predloženih kandidata, zaokružiti se može najviše onoliko kandidata koliko se bira članova savjeta za tu mjesnu zajednicu, unutar jedne liste.

Građanin lično stavlja presavijen glasački listić u glasačku kutiju.

Član 15.

Predsjednik Komisije za provođenje izbora, zajedno sa ostalim članovima Komisije, održava red na biračkom mjestu i njegovoj okolini. Ako se na biračkom mjestu naruši javni red i mir ili na koji bilo način ometa izborni proces, predsjednik Komisije može zatražiti pomoć policije. Glasanje se prekida dok se na biračkom mjestu nalaze pripadnici policije.

Predsjednik Komisije za provođenje izbora može sa biračkog mjesta i njegove okoline udaljiti svako lice koje narušava javni red i mir ili ometa izborni proces.

Svaka situacija iz stava 1. i 2. će se evidentirati u zapisnik o radu Komisije.

Tokom procesa glasanja vodi se zapisnik o radu Komisije za sprovođenje izbora u koji se unose podaci o broju glasačkih listića, zapažanja o svim važnim događajima do kojih dođe na biračkom mjestu i drugi važni podaci.

Prije početka glasanja, Komisija za provođenje izbora u prisustvu svih članova, će izložiti prazne glasačke kutije i zapečatiti ih, prebrojati i upisati u zapisnik ukupan broj glasačkih listića za biračko mjesto i upisati u zapisnik ukupan broj svih glasačkih listića koji su primljeni za to biračko mjesto.

VII BROJANJE GLASOVA

Član 16.

Komisija za provođenje izbora utvrđuje rezultate glasanja nakon završetka izbornog procesa.

Brojanje glasova vrši se na mjestu glasanja.

Komisija za provođenje izbora prvo broji neiskorištene i oštećene glasačke listiće i stavlja ih u odvojene koverta koja se nakon toga zapečate.

Komisija za provođenje izbora nakon toga utvrđuje ukupan broj glasača koji su glasali na glasačkom mjestu i upisuje ove podatke u zapisnik.

Komisija za provođenje izbora nakon toga otvara glasačku kutiju i utvrđuje ukupan broj glasačkih listića u kutiji i upisuje ih u zapisnik.

Komisija za provođenje izbora zatim utvrđuje broj važećih i broj nevažećih glasačkih listića i upisuje ih u zapisnik.

Nakon toga, pristupa utvrđivanju broja glasova za svakog kandidata pojedinačno.

Glasački listić iz koga se ne može utvrditi kako je građanin glasao ili glasački listić na kojem su dopisana imena kandidata ili oznake na osnovu kojih se može utvrditi identitet birača ili glasački listić na kojem je zaokruženo više kandidata nego što se bira u toj mjesnoj zajednici, ili glasački listić na kojemu se glasalo za kandidate sa više predloženih lista, smatra se nevažećim.

Član 17.

Nakon završetka postupka brojanja glasova, Komisija za provođenje izbora u izvještaj o rezultatima glasanja unosi sljedeće podatke:

- 1) ukupan broj neiskorištenih glasačkih listića,
- 2) ukupan broj oštećenih glasačkih listića,
- 3) ukupan broj glasača koji su glasali na glasačkom mjestu,
- 4) ukupan broj glasačkih listića u glasačkoj kutiji,
- 5) ukupan broj važećih glasačkih listića,
- 6) ukupan broj nevažećih glasačkih listića i
- 7) ukupan broj glasova za svakog pojedinačnog kandidata na kandidatskoj listi.

Zapisnik o radu biračkog odbora i izvještaj o rezultatima glasanja potpisuju svi članovi biračkog odbora.

VIII OBJAVLJIVANJE I POTVRĐIVANJE REZULTATA IZBORA

Član 18.

Nakon završenog brojanja glasova, Komisija za provođenje izbora objavljuje izvještaj o rezultatima glasanja.

Izvještaj o rezultatima glasanja objavljuje se na oglasnoj ploči mjesne zajednice.

Za članove savjeta izabrani su oni kandidati koji su dobili najveći broj glasova do broja članova savjeta koji se biraju.

Član 19.

Ukoliko dva kandidata imaju isti broj glasova prednost ima mlađi kandidat.

Član 20.

Rezultate izbora za članove savjeta mjesne zajednice potvrđuje Općinsko vijeće na osnovu izvještaja o rezultatima glasanja, koji podnosi .

Član 21.

Uputstvo objaviti u „Službenom glasniku općine Bužim“.

Broj: 02-05-364-1/14 PREDSJEDNIK
Bužim, 10.02.2014 CENTRALNE OPĆINSKE
KOMISIJE

Husein Duranović, dipl.pravnik s.r.

48.

U skladu sa članom 24. i 113 Statuta općine Bužim (“Službeni glasnik općine Bužim” broj: 11/07 i 5/11), i člana 78. i 86. Poslovnika o radu Općinskog vijeća općine Bužim, (“Službeni glasnik općine Bužim” broj: 7/08, 1/11 i 7/11), Općinsko vijeće općine Bužim, na vanrednoj sjednici održanoj dana 22.02.2014.godine, **usvojilo je:**

Z A K L J U Č A K

o inicijativi građana za ostavku Općinskog načelnika

I

Inicijativa za ostavku Općinskog načelnika, Agana Bunića smatra se neosnovana, neutemeljena i neargumentirana, a uzimajući u obzir da je Zakonom o lokalnoj samoupravi USK-a i Statutom općine Bužim propisana procedura i razlozi za smjenu i ostavku Općinskog načelnika.

II

Općinsko vijeće daje punu podršku Općinskom načelniku u svim trenutnim i budućim aktivnostima koje provodi u skladu sa Ustavom, zakonom i podzakonskim aktima.

III

Zaključak stupa na snagu danom donošenja, a objaviće se u Službenom glasniku općine Bužim.

Broj: 01/1-05-912/14 PREDSJEDAVAJUĆI
Bužim, 24.02.2014 OPĆINSKOG VIJEĆA
Abid Mulalić, dipl.ing.maš. s.r.

49.

U skladu sa članom 24. i 113 Statuta općine Bužim (“Službeni glasnik općine Bužim” broj: 11/07 5/11), i člana 78. i 86. Poslovnika o radu Općinskog vijeća općine Bužim, (“Službeni glasnik općine Bužim” broj: 7/08, 1/11 i 7/11), Općinsko vijeće općine Bužim, na vanrednoj sjednici održanoj dana 22.02.2014.godine, **usvojilo je:**

Z A K L J U Č A K

o inicijativi građana za ostavku direktora JKP “KOMB” d.o.o. Bužim

I

Inicijativa za ostavku Direktora JKP “KOMB” d.o.o. Bužim smatra se neosnovana, neutemeljena i neargumentirana, a uzimajući u obzir da je Zakonom o ministarskim vladinim i drugim imenovanjima utvrđena procedura za smjenu i ostavku direktora javnih institucija.

II

Općinsko vijeće traži od organa upravljanja u JKP “KOMB” d.o.o. Bužim da ispituju osnovanost zahtjeva građana i dostave Općinskom vijeću informaciju o poduzetim aktivnostima u roku od 30 dana.

III

Zaključak stupa na snagu danom donošenja, a objaviće se u Službenom glasniku općine Bužim.

Broj: 01/1-05-911/14 PREDSJEDAVAJUĆI
Bužim, 24.02.2014 OPĆINSKOG VIJEĆA
Abid Mulalić, dipl.ing.maš. s.r.

50.

U skladu sa članom 24. i 113 Statuta općine Bužim (“Službeni glasnik općine Bužim” broj: 11/07 i 5/11), i člana 78. i 86. Poslovnika o radu Općinskog vijeća općine Bužim, (“Službeni glasnik općine Bužim” broj:

7/08, 1/11 i 7/11), Općinsko vijeće općine Bužim, na vanrednoj sjednici održanoj dana 22.02.2014.godine, **usvojilo je:**

Z A K L J U Č A K
o prihvatanju inicijative o smanjenju javne
potrošnje

I

Prihvata se inicijativa i prijedlog građana za smanjenje javne potrošnje budžetskim korisnicima, općinskog budžeta općine Bužim.

II

Zadužuje se Općinski načelnik, nadležna služba i Komisija za budžet, finansije i ekonomska pitanja da u roku od 30 dana pokrenu proceduru o smanjenju javne potrošnje u budžetu općine za 2014.godinu, kao i u institucijama gdje je osnivač Općinsko vijeće, odnosno općina Bužim (JKP "KOMB" Bužim, JU Centar za socijalni rad Bužim, JU Cenatr za kulturu, sport i informisanje Bužim i Općinsko Pravobranilaštvo).

III

Zaključak stupa na snagu danom donošenja, a objaviće se u Službenom glasniku općine Bužim.

Broj: 01/1-14-915/14 PREDSEDavajući
Bužim, 24.02.2014 OPĆINSKOG VIJEĆA
Abid Mulalić, dipl.ing.maš. s.r.

51.

U skladu sa članom 24. i 113 Statuta općine Bužim ("Službeni glasnik općine Bužim" broj: 11/07 5/11), i člana 78. i 86. Poslovnika o radu Općinskog vijeća općine Bužim, ("Službeni glasnik općine Bužim" broj: 7/08, 1/11 i 7/11), Općinsko vijeće općine Bužim, na vanrednoj sjednici održanoj dana 22.02.2014.godine, **usvojilo je:**

Z A K L J U Č A K
o prihvatanju inicijative o rebalansu općinskog
budžeta

I

Prihvata se inicijativa grupe građana o rebalansu općinskog budžeta u djelu povećanja za boračke populacije za pokrivanje troškova građevinskih naknada u skladu sa Zakonom o dopunskim pravima branilaca i članova i njihovih porodica, u smislu da Općinski načelnik nakon isplate trenutno planiranih sredstava u budžetu u ove svrhe pripremi prijedlog Odluke o izmjeni i dopuni odluke o budžetu za 2014.godinu, kojom će planirati isplatu po svim zahtjevima.

II

Zaključak stupa na snagu danom donošenja, a objaviće se u Službenom glasniku općine Bužim.

Broj: 01/1-14-914/14 PREDSEDavajući
Bužim, 24.02.2014 OPĆINSKOG VIJEĆA
Abid Mulalić, dipl.ing.maš. s.r.

52.

U skladu sa članom 24. i 113 Statuta općine Bužim ("Službeni glasnik općine Bužim" broj: 11/07 5/11), i člana 78. i 86. Poslovnika o radu Općinskog vijeća općine Bužim, ("Službeni glasnik općine Bužim" broj: 7/08, 1/11 i 7/11), Općinsko vijeće općine Bužim, na vanrednoj sjednici održanoj dana 22.02.2014.godine, **usvojilo je:**

Z A K L J U Č A K
o nenadležnosti

I

Općinsko vijeće oglašava se nenadležnim u slijedećim inicijativama građana koje su dostavljene Općinskom vijeću, i to:

- Izmjena Zakona o poljoprivrednom zemljišta u djelu pretvorbe zemljišta,
- Inicijativa za smanjenje naknade kantonalnim zastupnicima,
- Pokretanje inspeksijskog nadzora u radu JU Dječiji vrtić Bužim i JKP "KOMB" Bužim, od strane nadležnih inspekcija,
- Upućivanje zaključka Kantonalnom tužilaštvu da se krivične prijave upućene tužilaštvu sa područja općine Bužim prioritarno rješavaju,
- Ukidanje "bjelog kruha",
- Pokretanje inicijative za izmjenu Izbornog Zakona da uposlenici u javnim institucijama, da obavljaju izvršne funkcije ili da su zaposleni na neodređeno vrijeme, ne mogu biti u Federalnim, kantonalnim skupštinama, kao ni u općinskim vijećima,
- Inicijativa za izmjenu Zakona da se političke partije ne mogu finansirati iz javnih budžeta.

II

Općinsko vijeće podržava inicijative iz predhodne tačke i predlaže predstavnicima građana da navedene inicijative upute prema nadležnim institucijama.

III

Zaključak stupa na snagu danom donošenja, a objaviće se u Službenom glasniku općine Bužim.

Broj: 01/1-05-913/14 PREDSEDavajući
Bužim, 24.02.2014 OPĆINSKOG VIJEĆA
Abid Mulalić, dipl.ing.maš. s.r.

53.

Na osnovu člana 13. Pravilnika o tehničkoj zaštiti objekata i prostora za smještaj i čuvanje matičnih knjiga, spisa i matičnog registra („ Službene novine Federacije BiH, broj: 68/12.) člana 26. Odluke o organizaciji i djelokrugu rada Općinskog organa uprave općine Bužim („ Službeni glasnik općine Bužim „ broj: 9/13.) Općinski načelnik općine Bužim, **donosi:**

**PROGRAM REALIZACIJE TEHNIČKIH
MJERA ZAŠTITE OBJEKTA I PROSTORA
ZA SMJEŠTAJ I ČUVANJE MATIČNIH
KNJIGA U OPĆINSKOM ORGANU
UPRAVE OPĆINE BUŽIM**

I**1. UVOD**

Program realizacije tehničkih mjera zaštite objekta i prostora za smještaj i čuvanje matičnih knjiga općine Bužim, spisa i matičnog registra, računarskog sistem, čuvanje elektronske evidencija matičnih knjiga i kopije matičnog registra, obuhvata sljedeće mjere:

- 1) opće mjere za zaštitu objekata;
- 2) mjere na osiguranju fizičke zaštite;
- 3) videonadzor;
- 4) protuprovalni i protuprepadni sistem;
- 5) mikroklimatske mjere;
- 6) instaliranje protivpožarnog sistema;

2. CILJEVI TEHNIČKE ZAŠTITE**II**

Tehnička zaštita objekta i prostora koji se koriste za smještaj i čuvanje matičnih knjiga općine Bužim, spisa i matičnog registra, podrazumjeva zaštitu od neovlaštenog pristupa, odnosno ulaska u prostorije gdje se koriste i čuvaju matične knjige, čuvanje spisa i matičnog registra, kao i sprečavanje od krađe, uništenja ili otuđenja matičnih knjiga i registra.

Zaštita iz stava 1. ove tačke obuhvata :

- 1) objekat i prostor u kojima su smještene matične knjige, spisi i matični registri u papirnoj i elektronskoj formi;
- 2) prostor u kojem su smještene digitalne kopije drugog primjerka matičnih knjiga i matičnog registra;
- 3) dužnosti matičara i drugih ovlaštenih lica koji rade na poslovima vođenja matičnih knjiga i matičnog registra.

III

Čuvanje matičnih knjiga i matičnog registra se osigurava u prostoriji-pozadinska kancelarija u okviru Centra za pružanje usluga građanima.

IV

Što u kraćem roku, a najkasnije u roku od 1 (jedne) godine dana osiguraće se i uspostaviti videonadzor, koji će obuhvatati:

- videonadzor šalterskog prostora da se jasno može vidjeti monitor i radni prostor matičara i drugih lica koja rade na poslovima matičnih knjiga.

Uspostavom videonadzora, videozapis će se čuvati minimalno šest mjeseci i dostupnost videonadzoru može biti samo uz prisustvo rukovodioca Službe za opću upravu i društvene djelatnosti.

Poboljšanje postojećih mikroklimatskih uvjeta i instalacija sistema aktivne zaštite od požara.

3. ČUVANJE MATIČNIH KNJIGA**V**

U prostorijama u kojima se obavljaju poslovi upis u matične knjige i čuvaju matične knjige i spis na osnovu kojih se vrše upisi u te knjige:

- 1) moraju stalno biti u sređenom i sigurnom stanju;
- 2) matične knjige i spisi se moraju čuvati u kasama i željeznim ormarama otpornim na požar i poplave;
- 3) pisani izvornik matičnih knjiga i elektronski oblik izvornika matičnih knjiga se čuvaju u zasebnim prostorijama;
- 4) kase i ormari moraju biti zatvoreni u toku radnog vremena, a na kraju radnog vremena zaključani;
- 5) svi akti na osnovu kojih je izvršen upis u matičnu knjigu stavljaju se u posebne registre, za svaku matičnu knjigu posebno i čuvaju u ormarima.

Formirani spisi se odlažu u arhivu i čuvaju u skladu sa propisima o arhivskom poslovanju organa uprave.

Poslovi rada sa strankama i upisa u matične knjige obavljaju se na šalteru 5 i 6, i u pozadinskoj kancelariji matičara i kancelariji menadžera Centa.

Navedene mjere dužni su provoditi matičari i druga službena lica koja rade na ovim poslovima, a kontrolu vrši rukovodilac Službe za opću upravu i društvene djelatnosti.

**4. RAČUNARSKI SISTEMI I ČUVANJE
ELEKTRONSKIH EVIDENCIJA****VI**

Pristup u prostore u kojima se nalaze računarski sistemi (računarska, serverska i komunikacijska oprema na kojima se vrši obrada i distribucija podataka iz matičnih knjiga i matičnog registra) isključivo je dozvoljena ovlaštenim službenim licima Općinskog organa.

Drugi primjerak izvornika matičnih knjiga i matični registar se nalaze u elektronskoj formi, na Općinskom serveru.

Općinski server koji sadrži matične podatke mora biti logički odvojen od ostalih općinskih servera.

Sukladno Pravilniku, kreirat će se dnevna kopija zaštićenih podataka i ista će se nalaziti u drugom djelu objekta u odnosu na prostor u kojem se nalazi server.

Server i komunikaciona oprema moraju se nalaziti u odgovarajućem serverskom i komunikacionom ormaru, u odvojenom prostoru i ista mora biti klimatizirana.

Realizacija i obezbjeđenje prostora, videonadzora, dnevnih kopija i ostalih uvjeta za smještaj servera na kojima se nalazi drugi primjerak izvornika matičnih knjiga i prvi primjerak matičnog registra bit će najkasnije u roku od šest do dvanaest mjeseci.

5. ZAVRŠNE ODREDBE

Program će se objaviti u Službenom glasniku općine Bužim i o realizaciji istog starat će se Općinski načelnik putem Službe za opću upravu i društvene djelatnosti.

Broj: 02/4-05-536/14

Bužim, 04.03.2014

OPĆINSKI NAČELNIK
Agan Bunić dipl.pravnik, s.r.

54.

U skladu sa članom 184. stav 1. tačka 2. Zakona o zaštiti i spašavanju ljudi i materijalnih dobara od prirodnih i drugih nesreća (Službene novine Federacije BiH broj: 39/03, 22/06 i 44/10) Odluke o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća (Službene novine Federacije BiH broj: 65/12), a u vezi sa Odlukom o usvajanju godišnjeg plana utroška sredstava zaštite i spašavanja za 2014. godinu broj: 02-14-4780/13 od 23.12.2013. godine, Općinski štab civilne zaštite općine Bužim na svojoj petoj redovnoj sjednici održanoj dana, 06.02.2014. godine, **donosi:**

O D L U K U

o izmjeni i dopuni Odluke o utrošku sredstava za kupovinu motornog vozila sa tovarnim prostorom.

Član 1.

Ovom Odlukom vrši se izmjena i dopuna Odluke o utrošku sredstava za kupovinu motornog vozila sa tovarnim prostorom od akumuliranih sredstava od posebnih naknada za zaštitu i spašavanje od prirodnih i drugih nesreća broj: 02-14-999/13 od 13.03.2013. godine.

Član 2.

Član 1. Odluke mijenja se i glasi:

Ovom Odlukom odobrava se utrošak sredstava od akumuliranih sredstava od posebnih naknada za zaštitu i spašavanje od prirodnih i drugih nesreća u svrhu kupovine motornog vozila sa tovarnim prostorom za potrebe opremanja Općinskog štaba civilne zaštite općine Bužim u iznosu do 50.560,00 KM”.

Član 3.

Ova Odluka stupa na snagu danom donošenja a objavit će se u Službenom glasniku općine Bužim.

Broj: 02-14-539/14

Bužim, 07.02.2014

KOMANDANT ŠTABA
Agan Bunić dipl.pravnik, s.r.

55.

U skladu sa članom 184. stav 1. tačka 2. Zakona o zaštiti i spašavanju ljudi i materijalnih dobara od prirodnih i drugih nesreća (Službene novine F BiH 39/03, 22/06 i 44/10), i člana 60 stav 2. Pravilnika o načinu rada i funkcioniranja štabova i povjerenika civilne zaštite (Službene novine F BiH broj: 77/06 i 5/07), na prijedlog Službe civilne zaštite, Općinski štab civilne zaštite općine Bužim na svojoj četvrtoj redovnoj sjednici održanoj dana, 06.02.2014. godine, **donosi:**

O D L U K U

o izmjeni i dopuni Odluke o visini naknade za rad članovima Općinskog štaba civilne zaštite općine Bužim

I

Ovom Odlukom vrši se izmjena i dopuna Odluke o visini naknade za rad članovima Općinskog štaba civilne zaštite općine Bužim broj: 02-14-191/13 od 23.01.2013. godine

II

Tačka II mijenja se i glasi:

Članu štaba pripada mjesečna naknada za rad i to:

- 7,5 % . prosječne neto plaće za vrijeme provođenja vlastitih priprema štaba;
- 15 % . prosječne neto plaće za vrijeme funkcioniranja štaba u akcijama zaštite i spašavanja.

Osnov za obračun naknade je prosječna neto plaća ostvarena u Federaciji u predhodnom mjesecu , prema zvaničnom saopštenju Federalnog zavoda za statistiku.

III

Tačka V mijenja se i glasi:

Sredstva za isplatu naknade iz ove Odluke

obezbjeđena su u budžetu općine Bužim, izdaci za rad Komisije, ekonomski kod 613 974.

VI

Ova Odluka stupa na snagu danom donošenja a ista će se objaviti u Službenom glasniku općine Bužim.

Broj: 02-14-571/14
Bužim, 07.02.2014

KOMANDANT ŠTABA
Agan Bunić dipl.pravnik, s.r.

56.

Na osnovu člana 38. stav 1. tačka 6. Statuta općine Bužim (Službeni glasnik općine Bužim“ broj 11/07), i člana 2. te člana 9.tačka 4. Pravilnika o komisijama Općinskog načelnika broj: 02-05-1597/09 od 22.04.2009.godine, a u vezi sa članom 30.tačka b). Odluke o izvršavanju budžeta općine Bužim za 2014 (Službeni glasnik općine Bužim“ broj 16/13 od 31.decembra 2013.godine, Općinski načelnik općine Bužim, na prijedlog Službe za razvoj i poduzetništvo,
d o n o s i :

R J E Š E N J E

o imenovanju Komisije za izradu nacrt Programa o sufinansiranju troškova prijevoza učenika za područje općine Bužim

I

Imenuje se Komisija za izradu nacrt Programa o sufinansiranju troškova prijevoza učenika srednje škole Bužim, koji se prevoze javnim linijskim prijevozom putnika autobusom u cestovnom prometu (u daljem tekstu: komisija).

Članovi Komisije su:

1. Edham Dizdarević, ispred MŠC Bužim, - predsjednik
2. Mehmed Čenanović, -član
3. Jasmin Salkić, -član
4. Elvir Ljubijankić, -član
5. Jasmin Šarić, -član

II

Zadatak Komisije se sastoji u izradi nacrt Programa o sufinansiranju troškova prijevoza učenika a koji treba da sadrži slijedeće:

- a) Ciljeve programa
- b) Namjenu finansijskih sredstava
- c) Korisnike Programa
- d) Postupak realizacije programa
- e) Završne odredbe
- f) Obrazloženje

III

Komisija se imenuje na period od 60 dana. Izvještaj o svom radu Komisija podnosi općinskom načelniku.

IV

Za sprovođenje ovog rješenja staraće se Služba za razvoj i poduzetništvo i Služba za budžet i finansije, Općinske uprave općine Bužim.

V

Rješenje stupa na snagu danom donošenja, i isto objavi u Službenom glasniku općine Bužim.

Broj: 02/3-05-535-1/14
Bužim, 21.01.2014

OPĆINSKI NAČELNIK
Agan Bunić dipl.pravnik, s.r.

57.

Na osnovu člana 3. Odluke o utvrđivanju koeficijenta za plaću Općinskog načelnika i koeficijenta za plaću savjetnika općinskog načelnika („Službeni glasnik općine Bužim“, broj: 11/08), člana 5. Odluke o utvrđivanju platnih razreda i koeficijenata za plaće rukovodećih i ostalih državnih službenika u Jedinostvenom Općinskom organu uprave općine Bužim („Službeni glasnik općine Bužim“, broj: 11/08), člana 5. Odluke o utvrđivanju platnih razreda i koeficijenata za plaće namještenika u Jedinostvenom Općinskom organu uprave općine Bužim („Službeni glasnik općine Bužim“, broj: 11/08), člana 3. Odluke o utvrđivanju koeficijenta za obračun plaće Općinskog pravobranioca („Službeni glasnik općine Bužim“, broj: 11/08), člana 3. Odluke o utvrđivanju koeficijenata za plaće uposlenih u JU Centar za socijalni rad Bužim („Službeni glasnik općine Bužim“, broj: 11/08), Odluke o izmjeni i dopuni Odluke o utvrđivanju koeficijenata za plaće uposlenika Stručne službe Općinskog vijeća općine Bužim („Službeni glasnik općine Bužim“, broj:11/13), i člana 38. Statuta općine Bužim („Službeni glasnik općine Bužim“, broj: 11/07,4/08), Općinski načelnik, **donosi:**

Z A K L J U Č A K

o visini iznosa jedinstvene osnovice za obračun plaće

Član 1.

Ovim Zaključkom utvrđuje se visina iznosa jedinstvene osnovice za obračun plaće za Općinskog načelnika, savjetnike Općinskog načelnika, Stručnu službu Općinskog vijeća, šefove i ostale državne službenike, namještenike, Općinsko pravobranilaštvo i JU Centra za socijalni rad Bužim.

Član 2.

Na osnovu tačke 2. Saopćenja o prosječnoj isplaćenju mjesečnoj neto plaći zaposlenih u F BiH za decembar 2013.godine („Službene novine F BiH“, broj: 13/14), utvrđena je prosječna isplaćena neto plaća za period: otobar, novembar i decembar 2013.godine u iznosu od 842,- KM.

Utvrđuje se osnovica za obračun plaće od 60% od zadnjeg objavljenog podataka za IV kvartal 2013. godine (oktobar, novembar i decembar 2013.godine = 842) koja iznosi 505,-KM (842 x 60% = 505,20 KM).

Član 3.

Osnovica iz stava 2. člana 2. Ovog Zaključka se koristi za obračun plaće, odnosno do narednog objavljivanja podatka o prosječnoj isplaćenju neto plaći u F BiH, za prvi kvrtal 2014. godine.

Član 4.

O balgovremenom usklađivanju osnovice za obračun plaće sa zadnjim objavljenim podatkom o prosječnoj isplaćenju neto plaći u F BiH, start će se Općinski načelnik putem Službe za budžet i financije.

Ovaj Zaključak stupa na snagu dnom donošenja i isti će se objaviti u Službenom glasniku Općine Bužim.

Broj: 02-14-864/14
Bužim, 21.02.2014

OPĆINSKI NAČELNIK
Agan Bunić dipl.pravnik, s.r.

58.

U skladu sa članom 29. tačka 3. Pravilnika o načinu rada i funkcioniranja štaba i povjerenika civilne zaštite (Službene novine Federacije BiH broj: 77/06 i 5/07) te člana 17 stav 3. Poslovnika o radu Općinskog štaba civilne zaštite općine Bužim broj: 02-44-186/13 od 23.01.2013.godine na prijedlog Službe za civilnu zaštitu i vatrogastvo općine Bužim, Općinski štab civilne zaštite na svojoj petoj sjednici održanoj dana, 06.02.2014. godine, **daje:**

M I Š L J E N J E**o Programu razvoja zaštite i spašavanja ljudi i materijalnih dobara na području općine Bužim za 2013-2018. godinu.**

Program razvoja zaštite i spašavanja ljudi i materijalnih dobara na području općine Bužim za 2013-2018. godinu. Izradila je Služba za civilnu zaštitu i vatrogastvo na osnovu člana 29. tačka 2. i člana 174. stav 4. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“ broj 39/03, 22/06 i 43/10), (u daljem tekstu Zakon)

Štab CZ općine Bužim mišljenja je da je isti usklađen sa zakonskom regulativom te se isti može uputiti Općinskom vijeću na razmatranje i usvajanje.

Broj: 02-14-4907/13
Bužim, 07.02.2014

KOMANDANT ŠTABA
Agan Bunić dipl.pravnik, s.r.

S a d r Ź a j

46. Odluka o sprovođenju izbora za članove savjeta mjesnih zajednica i predsjednike mjesnih zajednica na području općine Bužim	1	53. Program realizacije tehničkih mjera zaštite objekta i prostora za smještaj i čuvanje matičnih knjiga općinskog organa uprave općine Bužim	8
47. Uputstvo o postupku organizacije i sprovođenja izbora za članove savjeta mjesnih zajednica općine Bužim	3	54. Odluka o izmjeni i dopuni Odluke o utrošku sredstava za kupovinu motornog vozila sa tovarnim prostorom	9
48. Zaključak o inicijativi građana za ostavku Općinskog načelnika	6	55. Odluka o izmjeni i dopuni Odluke o visini naknade za rad članovima Općinskog štaba civilne zaštite općine Bužim	9
49. Zaključak o inicijativi građana za ostavku direktora JKP "KOMB" d.o.o. Bužim	6	56. Rješenje o imenovanju Komisije za izradu nacrtu Programa o sufinansiranju troškova prijevoza učenika za područje općine Bužim	10
50. Zaključak o prihvatanju inicijative o smanjenju javne potrošnje	7	57. Zaključak o visini iznosa jedinstvene osnovice za obračun plaća	10
51. Zaključak o prihvatanju inicijative o rebalansu općinskog budžeta	7	58. Mišljenje o Program razvoja zaštite i spašavanja ljudi i materijalnih dobara na području općine Bužim za 2013-2018. godinu	11
52. Zaključak o nenadležnosti	7		

O B A V J E Š T E N J E

Za svaki broj posebno se plaća cijena. Cijena za „Službeni glasnik Općine Bužim“ iznosi 10,00 KM po jednom primjerku, a uplata se može izvršiti na račun broj: 161 035 0017560631 u korist Depozitnog računa za prikupljanje javnih prihoda Općine Bužim, vrsta prihoda 722631, identifikacijski broj 4263287480003

Izdavač: Općina Bužim

Štampa: Služba za opću upravu i društvene djelatnosti